



Broj: 01-05-13556/18
Sarajevo, 19.04.2018. godine

SKUPŠTINA KANTONA SARAJEVO
-OVDJE-

Predmet: Izjašnjenje na zastupničku inicijativu zastupnice Mersihe Mehmedagić, dostavlja se

Zastupnica Mersiha Mehmedagić je na 40. Radnoj sjednici Skupštine Kantona Sarajevo održanoj dana 04.04.2018. godine u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula zastupničku inicijativu:

„Pokrećem inicijativu prema Ministarstvu za boračka pitanja da prikupi dokumentaciju iz arhiva Ministarstva unutrašnjih poslova, lista Oslobođenje, Radiotelevizije BiH, Radiotelevizije Sarajevo, Televizije Hayat i drugih relevantnih izvora radi utvrđivanja činjenica o prvim vojnim žrtvama 5. aprila 1992. godine.

Radi utvrđivanja historijskih činjenica o 5. aprilu u prilogu inicijative dostavljam snimak prve dženaze na šehidskom mezarju Kovači kada je ukopano osam šehida.

Reuf Muhić, Avdo Omerbegović, Jasmin Kadić, Sead Fisović, Sabit Karović, Safet Krasnić, Esad Gušo i Jusuf Hasanović zaslužuju svoje mjesto u historiji odbrane Sarajeva. U prilogu dostavljam inicijativu Oreda Hrasno Brdo, novinske članke kao i izvode iz monografija.

Obrazloženje

O prvim šehidima odbrane u Sarajevu malo se zna, obilježavanje datuma njihove pogibije svedeno je na nivo lokalne zajednice i sjećanje porodica i saboraca. Neki se čak i ne spominju, nemaju spomen obilježje, ulice u kojima su poginuli ne nose njihova imena.

Tražim od Ministarstva da poduzme sve što je potrebno kako bi se istina o prvim herojima odbrane znala i obilježavala kako dolikuje veličini njihove žrtve“.

Na pokrenutu zastupničku inicijativu dajemo slijedeće

IZJAŠNJE

Ministarstvo za boračka pitanja Kantona Sarajevo, pored redovnih poslova vezanih za poslovanje Ministarstva, obavlja i niz drugih aktivnosti na obilježavanju značajnih događaja, datuma i ličnosti iz perioda odbrambeno oslobodilačkog rata 1992. – 1995. godine i iz perioda narodno-oslobodilačkog rata 1941.-1945. godine na području Kantona Sarajevo.

Odlukama Skupštine Kantona Sarajevo su utvrđeni Kalendar za obilježavanje značajnih događaja, datuma i ličnosti iz perioda 1992-1995. godine, kao i Kalendar za obilježavanje svih



značajnih događaja, datuma i ličnosti iz perioda narodno-oslobodilačkog rata 1941-1945. godine na području Kantona Sarajevo. Ministarstvo putem Odbora za obilježavanje značajnih događaja, datuma i ličnosti pruža finansijsku podršku obilježavanju značajnih događaja, datuma i ličnosti pri čemu se daje materijalna podrška u vidu polaganja cvijeća, te objavi obavještenja, čestitki i sjećanja.

U vezi sa pokrenutom inicijativom ističemo da se utvrđivanje činjenica o prvim vojnim žrtvama 05. aprila 1992. godine spada u sferu zaštite tekovina odbrambeno-oslobodilačkog rata, odnosno Kalendara za obilježavanje značajnih događaja, datuma i ličnosti iz perioda 1992-1995. godine, kao i da prikupljanje dokumentacije iz arhiva institucija navedenih u inicijativi i drugih institucija i ustanova, nije u nadležnosti ovog Ministarstva.

Dalje ističemo, da se ova inicijativa može tretirati prilikom izmjena i dopuna Kalendara za obilježavanje značajnih događaja, datuma i ličnosti iz perioda 1992-1995. godine kada će se voditi i javna rasprava i o čemu će svakako Skupština Kantona Sarajevo raspravljati i odlučivati, te da se tek tada ukoliko se utvrde činjenice o prvim vojnim žrtvama 05. aprila 1992. godine, obilježavanje može uvrstiti u predmetni Kalendar.

Ovom prilikom ističemo, da i općine također imaju svoje Kalendare za obilježavanje značajnih događaja, datuma i ličnosti kao i da se nadležnim službama/organima općina mogu podnositi inicijative vezano za obilježavanje datuma pogibije šehida, podizanje spomen obilježja, naziva ulica i dr.

S poštovanjem,

Obradila: Der [REDACTED]

Kontrolisala: mr. Belma Adilović [REDACTED]



Dostaviti:

- Predsjedateljici Skupštine Kantona Sarajevo,
- Sekretaru Skupštine Kantona Sarajevo,
- Sekretaru Vlade Kantona Sarajevo,
- A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

